

آبونه شرالطی : هر بر ایچون
سنه لکی (۴۰۰) آلتی ایلنی
(۲۲۵) ممالک اجنیه ایچون
سنه لکی (۴۰۰) ، آلتی آیلنی
(۲۵۰) غروشدور.

نسخه سی ۷,۵ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاندور.

اخطارات

آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

اتبعون اهدکم سبیل الرشاد

تذکره

آدوره من تبدیلتده آیریچه
غروش کوندورملیدور .

مکتوبلرک امضالری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنیه ایچون آبونه
اولانلرک آدرس لری نیک
فرانسزجه یازلسی رجا اولنور .

پاره کوندورلدیکی زمان نهیه
داثر اولدینی بیلدیرلسی
رجا اولنور

حاسدك آرزوسى ، باشقه لرینك اوزرندن زوال نعمتدر . باشقه لرینك نعمت ورفاهی حاسدلى قودورتور . بناء علیه بونلر حسد ایتدکلى انسانى جاء صاحبی ، ثروت ویا شهرت صاحبی کورورلر سه غیظ و کین ایله یانارلر و انجق حسد ایتدکلى انسانك یچاره و پریشان اوله سیله نمون و مستریخ اولورلر .

معلوم اولدینی اوزره اعضا و جوارحك حرکاتی انفعالات و تهیجات نفسیه نك ائیدر . موجب سرور ویا موجب کدر اولان بر سائقله نفس دوچار تهیج اولدینی تقدیرده جوارح و اعضا نك بوانفعالی تطمین ایدمك حرکاتده بولونماسی محتمل اولور . آنجق یاییله جق حرکتك نتایجی دوشونمك ، یا خود تهیج نفسانی بی تطمین ایدمه مک اندیشه سی انسانى بوحرکتلردن آلیقویه بیلیر .

مزاجی عصبی ، سریع التسار اولان انسان یاییله جق حرکتك نتایجی دوشونمکسزین تهیجات نفسانی سه منقاد اولور . بوندن طولاییدرکه چابوق حدتله نلرک ، چابوق پشیان اولدقلى ، چابوق راضی اولدقلى الحاصل هر حرکتده سریع اولدقلى کورورلر . چونکه مجموعه عصبیه نك انتباه و حرکتی درجه سنده انسانك جوارحی سرعته حرکت ایدر . جوارح و اعضا انفعالات و تهیجاتدن تولد ایدن آثار نفسیه نك تظاهراتندن باشقه برشی دکدر . بناء علیه مزاجاً عصبی اولوب دوشونمک وقت بولامادن برطساق حرکاتده بولونانلره قارشى مسامحه کار طاور ائمق کر کدر . بوندن طولاییدرکه انسانك برحدت اولدینی زمانلرده وقوع بولان (طلاق اغلاق) شرعاً واقع اولماز . صده رجوع ایدرک حاسدلردن بحث ایدم . حاسدلر ، حسد ایتدکلى انسانلری رفاء ، یا خود جاء ایچنده کوردکلى زمان بوره کلى کین ایله طوتوشور . حسدك آلامندن قورتولق ایچون بونلر حسد ایتدکلى انسانه قارشى هر درلو اذا وجفای روا کورورلر . فرضا حسدك سائق محسودك شهرتی ایسه حاسد درلودرلو افتزالر اویدیرارق اونك شهرتی کیرلتمک ایستر . حسدك سائق محسودك ثروتی ، مال و ملکی ایسه ، حاسد دشمنی فقیر و محتاج کورمه نیجه راحت ایتز .

جوارحك انفعالات نفسانی سه منقاد اولدینی بیان ایتشدك . بناءً علیه حاسدك هدفی محسودی پریشان کورمك ایسه لندن کلن هر قائلنی یاپه رقی ، درلو درلو دسیسه لره مراجعت ایدمك مقصدینی تحقق ایتدیرمك ایستر .

جهانده منویات احتیاجی

جهان - قاصیر غایه طوتولش برکمی کی - کونا کون جریانلر ایچنده چیرینوب دوریور . بیطرفانه بر نظرله شتون حادثات تدقیق ایدیلسه

مدنیتك منتهای آمالی اولان سکون ورفاء بشریت عمده سنك ناصل بر سراب ، ایریشلمز بر خیال کی دنیادن اوزاقلاشدینی تله فله کوروله جکدر . حرب عمومی آفتی دور استیلا سنده میلیونلرجه انسانى خاک هلاکه سردکدن صکرم صلح دوره سی دینیلن فاصله خصوصیتده اوله بیتمز ، توکنمز بحرانلر ، موازنه سزلکلر حصوله کتیردی که روح مدنیتی تاراج ایدن انقلاباتك برکون ناصل بر نتیجه یه واصل اوله جق کسیدریله مز . دنیانك سیاسی و اجتماعی غایه لری دیکشیور . اسکی عقیده لر یکی تلقیلره میدان آچیسور . هر کون یکی برمسلك ، یکی برهیجان اورته یه چیقور . حرب سنه لرنده آرچوق بر انضباطه مربوط اولان روحلر آرتق - دومنسز برکمی کی - هر جریانه قاپیلیور .

بوکشمکشك اسبابی عدسه رؤیته کوره تبدل ایتك استعدادنده در . چونکه آرالرنده بر نقطه اشتراك بولنمیان متخالف مفکوره لرك تصادمی علمی و اجتماعی موازنه یی بيله اوقدر خللدار ایتشدرکه ، عقل و ذکا نك وقایع اوزرنده کی تأثیراتی آرتق واقع دکدر . یالکز عموم ایچون مشترک بر نقطه اشتکا واره هر کس حالندن غیر نمون ، استقبالدن بدین . فقط بو عدم نمونیتلرکده مثبت و مشکل بر صراحتی یوقدر . کیمی حیات بهالینندن ، دیگر بر حزب صنوف اجتماعیه آراسنده کی مساوا - تسزلقدن ، بر بشقه قسم مفرط جریانلرک تخریبکار تهدیدندن بحث ایدیور ، عجا بتون بوحرکتلرک حقیقی برسائی ، مولدی موجود دکلیدر ؟ علوم اجتماعیه هیچ بر حادثه نك بلا سبب واقع اوله بيله جکمی ، هیچ بر مفکوره نك تصادفی اوله رق حصوله کلدیکی قید ایتیمور . شو حالده جهانی حضور و استقراردن محروم بر اقان بو غیر طبعیلکلرک اساسی نه در ؟ .. حرب عمومیدن مقدم دنیا ملتلی سیاسی اتفاقلرک ، ائتلافلرک تأمین ایتدیکی ظامری بر سکون ایچنده رقابت اقتصادی ساحه سنده بوغوشور ، دیکر لرینی آزمک ایچون قوتلی بولمغه چالیشیوردی . بو چنین مسامی یواش یواش هیأت اجتماعیه یی میخانیک برحاله صوقدی . ملتلك حیاتنده معنوی رابطه لر دکل ، مادی احتراصلر حاکم اولمغه باشلادی . قیود اعتقادیه ترقیه انکل ظن اوله رق شدتلی بر مسامحه جریانی حاصل اولدی . اخلاقی عمده لر ، عائله رابطه لری ، حسی مفکوره قوتلری نقاط استنادیه لرینی غیب ایتدیلر . بوکا رغماً عمومی موازنه بر مدت دها ایچین ایچین قورد بین بر آغاج کی - محافظه موجودیت ایدم بیلدی .

وقنا که حرب عمومی قائل ایزلریله سیاسی حیاتده بیوک تحولات حصوله کتیردی ؛ آرتق معنوی ساحه دهده بحران ناقابل اجتناب بر شکل آلدی .

روحي و اجتماعی مدهش بر انضباط سزلق اوکنه کلن هر سدی بیقهرق متردی برهیجان ایچنده مدنیتی کیرمه باشلادی .

«کوستاولوبون» بو حقیقتدن بحث ایدرکن دییورکه: «حال حاضرده بتون آوروپا بخرانی بر انضباط سزاق صفحه سی کچیرمکده در. بو صفحه آنا رشی وانحطاط تولید ایتیمکسزین دوام ایلده من. اولجه اعتنا ایلده دوام اولسان اسکی عقیده لر قوتلرینی غیب ایتدکلی حالده اونلرک یرینی طوته بیلده جک عمدله هنوز تشکیک ایتیمشدر.»

مادیاتک تفوقه اهمیت ویرنلر معنوی رابطه لر کسر ایتدکدن صکره بو بوشلنی دولدر اچق هیج بر اثر وجوده کتیره مدیلر حربک تخریبکار لاری مادیاتی، ثروتی ایجه بالظالاردن صکره کربده استناد تشکیک ایدم جک بر نقطه قالدی. روحی، اجتماعی دستکوردن، نقاط جامعه دن محروم قالان انسانلر یکی بر اعتقاد، یکی بر مفکوره تخریبی قیغوسنه دوشدیلر. سیاسی احتراصلر آراسنده بولونان ملت رهبرلری سورولرینی طوبلامغه موفق اولامدیلر. معنویات احتیاجندن تولد ایدن بوحر کترلده غایه حقیقتک اعتلاسی اولدینی حالده جمعیت حیاندنه جربانلر عقل ومنطقدن زیاده حسیات ومنفعته استناد ایلدیکی ایچون عکسی نتیجه حصوله کلدی. صوک عصرک تسامحی بوکون معنوی بر انحلالک یکانه عاملنی تشکیک ایدیور.

بومهم جهتی تنقید ایدرکن «کوستاولوبون» دییورکه: «فلسفه نیک یتون ترقیانه رغماً فکری استقلال اصلسز بر خیالدر. انسانی اداره ایدن بالکنز احتیاجات، حسیات واحتراصاتی دکلد. انسانک امیدلرینی ونخیلاتی اداره ایچون بر اعتقاد لازمدر. انسان اعتقاد لزومندن اصلا وارسته قاله مامشدر. قدیم تصوف بتون قوتی محافظه ایتمشدر. آنجق اظهاراتک شکلی دیکشمشدر.»

فی الحقیقه، قومونستلر، سوسیالیستلر، الخ... عقیده لر منفی غایه لر اطرافنده بر اعتقاد تأسیس ایتک ایچون چالیشیورلر.

عجبا بوغایه بی استحصاله موفق اوله بیلده جکارمیدر؟ بونی هیج ظن ایتیمورز. چونکه غرب اجتماعوننک ظهورنده متفق اولدینی معنوی انحلال علاماتی دقتله تدقیق ایدیلورسه عصرلرک تأسیس ایلدیکی عقیده لرک یرینه قولای قولای یکیسینک وضعی امکانی اولمادینی تظاهر ایدر. هیئت اجتماعیه لر اراسنده مشترک موازنه سز لکک الهاز تظاهراتی، «هردرلو مجبوریته قارشى نفرت، قانونلرک وحکومتلرک نفوذینک کیتدکجه تناقص ایتمی؛ کرک ثروت وکرکسه ذکا جهتندن اولسون بالعموم فائیتلره قارشى غرض، جمعیت ایچنده مختلف طبقه لر اراسنده عدم تساند وصفلر اراسنده خصومتکارانه بر جدال، اسکی حربت واخوت مفکوره لرینه قارشى بیوک بر استغنا، اجتماعی نظام ضرورتی نه اولورسه اولسون اونک تخریبنه ساعی اولان مفرط عقیده لرک ایلروله می کبی روحی تردیاته استناد ایتدکجه یکی بر اعتقاد تأسیسی بر خیال محالدر. مفکوره لر بشری وعمومی قیمتنی محافظه

ایتدکجه بر ایمان حالنده اجرای تأثیر ایدم بیلرلر. عمومندن، انسانی ساحه دن خصوصیتیه، صنف، زمره، فکرلری حاله انقلاب ایدن دستورلر بر جهت جامعه تشکیک ایتمکدن اوزاقدیر.

معین بر صنفک تحکیمی اساسنه منتهی اولان قومونستلک، سوسیالیستلک، سربستلک هب موضعی، هب صنفی عقیده لر در. موضعی عقیده لر در که؛ بشریت بر روح بر ایمان بخش ایدم یور.... آنجق موجود اساسلری یقییور... تأثیرات مخربانه سی روح مدنی قرون اولی دوره لرینه سوروکلیور.

حرب عمومیدن بری جهان موازنه سنک اجتماعی، اقتصادی، سیاسی ساحه ده کچیرمکده اولدینی بومدهش بخران صنوف متفکرینک وحقی ملت رهبرلرینک نظردقتی جلب ایتش، بوفوضالره قارشى مثبت دستورلر حرکت کلمشدر. بوتکاملک الک شایان دقت جهتی بنه حسیات دینه ومعنویه رجوعک ضرورت حالنده تلقیه باشلامشدر.

فایشترلک ایلک ایشی معنویاته مهم بر موقع ویرمک اولمشدر. موسولیتی مختلف نطقلرنده بوجهتی تکرار ایتمشدر.

انکلترده بشریتی صارصان، مدنی تهلیکده دوشورن عقیده لره قارشى بیوک بر دین قونفره سی طویلانیور. بومفرط جریانلره خریستیانلق قوتندن استفاده ایدیلرک نه صورتله مقاومت ایدیلده جکی، خریستیانلغک اجتماعی، سیاسی ساحه لرده تأثیراتی بو قونفره نک اساس مقصدینی تشکیک ایدیور.

آمریقاده مفرط تهلیکله قارشى «پراغمائیزم» فلسفه سنک رواج بولسی ورؤسانک عمومیتله بوفکره طرفدار اولسی اعضالری میلونلره بالغ اولان دینی جمعیتلرک انکشافاتی تسهیل ایتمکده در. کوستاو لوبون بوموضوعی مناقشه ایدرکن دییورکه: «بوفلسفه فائده فکرینک دائماً کوروله بیلر اولدینی ایچون کوجلکله ادراک ایدیله بیلن حقیقت فکرینه تقدم ایتمی ایجاب ایتدیکی ارانه ایدیور. اکر اعتقادلر - مشاهداتک کوستردیکی وجهله - فردلرک قدرتی آرتیریور واونی بالذات کندیسنک فوقه یوکسه لیور ایسه بویله برواسطه تأثیر چیقاروب آتمق معانمز بر حرکت اولور.

روحیات متخصصلرینک، حق دین مسئله سنده سربست دوشونلرک بیله جمله سی بر اعتقاد صاحبی اولماتک انسانه ویردیکی قوتی تصدیق ایدیورلر. بوندن شبهه ایدم جک کیمسه ره بان طرفدارى اولسندن کندم قدر شبهه ایتدیکم بر سوربون مدرسنک یازیلرندن آتیده کی سطرلری نقل واره ایتیمکله اکتفا ایدرم: «حیات دینه فردی بالذات کندیسنک فوقه یوکسه لتهن قوتلرک فعله چیقمسنی لضمن ایدر. معتقد، غیرمعتقدن ده ا زیاده قوتلیدر. بو قوت خیالی دکلد. بشریتک یشامسنه مدار اولان بو قوتدر.»

کورولور که بتون دنیا ده مفرط جریانلره ، اجتماعی ، اقتصادی موارنه سزلکلره قارشى برعکس العمل حاصل اولمشدر . بوده حسیات دینه نك یکیدن کسب قوت ایلمسی انتاج ایلشدر . آرتق غرب طالعجه آ کلاشدهشدر که جهانی بو کردادن قورتاراجق آنجق مغنویات واعتقاددر .

جهانک بو کونکی روحیات واجتماعیاتی ، وضعیتی ، دنیایه مسلط اولان تهلکه لری تدقیق وتحلیل ایتدکن صکره هیئت اجتماعی مزکده بواجوال مواجهه سنده کی موقعی تعیین ونهیت ایتک بروطفه حالی آلیر . بیوک فلا کتورک ، اوزون محاربه لک آلامنی سینه سنده طاشیدان جمعیتزک دنیایی صاران وصارصمق استعدادینی کوستره ن تخریبکار عقیده لره قارشى قوه مقاومه سی موجودمیدر ؟ اقتصادی ضرورتلر فقیر مملکتیزی بو کون ایچون مستهلک بر وضعیتده بولندیرمقدمه ، حیات بهالیانی کندینی شدتله حس ایتدیرمکده در . سله رجه دوام ایدن حیات ویمات مجادله سنک طبیعی بر نتیجه سی اوله رق علم وعرفان ساحه سنده حاصل اولان تدنی قابل انکار دکلددر . بولره برده منحوس جدالری تعقیب ایدن مادی ، معنوی یورغونلنی علاوه ایدرسه ک بینه اجتماعی مزک وخیم بر خسته لقدن هنوز قالقان بر انسان کی هر درلو مهالک معروض بولندیغنی قبول ایتک ضروریدر . بو وضعیتده هر هانکی مضر برتأثیرک عکسفی منع ایتک بک قولای دکلددر . اساساً حربدن عون حقله مظفر چیقان هیئت اجتماعی مز ایچون اک تهلکه لی دور بو دوره نقاهتیدر . جهانک بو کونکی حالی نه بیوک برعبرتدر . بونک ایچون نوران امتک بتون اهتنامی ، دقتی ، غیری ، بصیرتی اعظمی اهمیتله وضعیت اوزرنده تمرکز ایتلیدر . چونکه محاربه یی قازانق رفاه وسعادت ایچون مسدود بولسان بر یولی آچقددر . اصل هنر بو یولده انحناسز یورویه رک غایبی الیه ایتمکدر . اطرافیزی بوقدر تخریبکار جریانلر احاطه ایدرکن مهالک حقیقیه یه قارشى المزده یکانه برنقطه استناد ، قوه مقاومه موجوددرکه ، اوده مغنویات واعتقاددر .

بو مفهوم داخلنده شخصی سبجه لر مزدن هیئت اجتماعی مزى علاقه دار ایدن اخلاقی ، روحی ، طالعوی خصوصاته قدرهرشی یالکز ویالکز ایمان ایله یشایه بیله جکدر .

مجاهده ملیه تاریخی بو حقیقتک اک یقین واک جانی بر مثالیدر . ملت حربی یالکز ایمان قوتیه قازاندی . بو کون اناطولی تخریبک ایچنده قیوراندینی دورلو تهلکه لردن ، اجتماعی فوضالردن مصون بولونیورسه بوده انجق ایمانک فیضکار قوتندن بشقه بر مؤثر دن متولد دکلددر . اساساً مزک قوتی بشری هیچ بر عقیده وصنعی جریانلره قابل مقایسه دکلددر . عصر لردنبری اجتماعیات اسلامیه ایله روحیاتی ، اخلاقیاتی تقویه

وترصین ایدن ملت مز استقلال سیاسینک لازم غیر مفارقی اولان استقلال روحی واجتماعی سنی ایماندن بشقه بر قوتله محافظه یه مقتدر دکلددر . بو کیفیت اوله ناقابل اعتراض برده ایتدر که غربله تماسک وبالنتیجه تقلیدک زیاده اولدینی استنبول کی محیطلرده تساند ، اخلاق ، سبجه ، طالع و تربیه مفهوم مارینک شایان مرحمت اولان حال تردیسی رایکنجی مثال حاجت براقیه جق درجه ده حقیقی تنویر ایدر . تردیات وسقوط اجتماعی ایله مساعد بر زمین تلقیح تشکیل ایدن یرلر جهانی بیقان جریانلر ایچون اک مهالک بر آجیق قیو حالنده در . غیر شعوری بر تقلید ، تسامح اخلاقی ، سبجه سزلک ایله پیرانمغه باشلایان هیئت اجتماعی مزى غریبک ایچنده قیوراندینی بومهلکه لردن آنجق سجایای اصلیه سی ، مغنویاتی قورتارای بیله جکدر .

مسلمت

اخلاقیات

هر فردک نفسه قارشى وظائف اخلاقیه سی

هر فردک ، نفع و ضرری کندیسنه طاند اولق اوزره مثبت ومنفی برطاقم وظائف اخلاقیه سی وارددر . بو وظیفه لک بر قسمی حیاته ، ایکنجی قسمی محته ، اوچنچی قسمی عفته ، دردنجی قسمی ده ثروته متعلقدر . حیات موجودیت بشریه نك اس الیاسنی تشکیل ایتدیکی ایچون ، اوکا متعلق وظائف اخلاقیه برنجی درجه ده بر موقع احراز ایدر . حیاتسز ، نه دنیا اوله بیلیر ، نه ده عقبا اوله بیلیر ، نه ده بشریت اوله بیلیر . مثبت وظیفه لری ایفالا تیکدن متولد مادی ومعنوی سعادتلر ومنفی وظیفه لری ایفا ایتمه مکدن متولد مادی ومعنوی عقوبتلر آنجق حیات انسانیه یه تعلق وترتب ایدر . بناء علیه هر هانکی فردک ، برنجی درجه ده قیمت واهمیت ویره جکی وظیفه لر ، حیاته تعلق وترتب ایدن وظیفه لردر . بوساحه ده کی مثبت وظیفه لر حیاته نافع فعل وعمللری اجرا ایتک ، منفی وظیفه لردر حیاته مضر فعل وعمللردن مجتنب بولنقددر .

مثلاً : حیاته ، لوازمی ویرمک مثبت بروطفه اخلاقیه در . فقط بولوازمی ویررکن ، افراط وتفریطه میدان ویرمه مکده منفی بروطفه اخلاقیه در . لوازم حیاتی یی تدارک اوغورنده صرف مسامی ایتک یه مثبت بر وظیفه اخلاقیه در . فقط بو اوغورده صرف ایدیله جک قوتک افراط درجه یه واردیر لماسی حیاتی رخنه دار ایدم جکی کی ، تفریط حالنده بواندیر لماسی ده یه حیاتی خللدار ایدر . بناء علیه صرف ایدیله جک قوتک حال اعتدالده بولندیر لماسی مثبت بروطفه اخلاقیه ، افراط وتفریط درجه لری نه واردیر لماسی ده منفی بروطفه اخلاقیه در . حیاتک لوازمی یالکز مادی شیلر دکلددر ، علم ومعرفت ، حریت ، دیانت کی فضیله لردر